

S1-61
1

二如亭群芳譜

花譜小序

大抵造化清淑精粹之氣不鍾於人而鍾於物
鍾於人則爲麗質鍾於物則爲繁華
之敷榮夕秀之競爽或偕衆卉而並育或以違
時而見珍雖艷質奇葩未易綜攬而榮枯開落
輒動欣戚誰謂寄興賞心無關情性也作花譜

濟南王象晉蓋臣甫題



二如亭群芳譜

花譜簡首

花月令

灌園野史

正

是月也

迎春生

櫻桃胎

望春盈眸

月

蘭蕙芳

李能白

杏花飾其靨

二

是月也

桃夭

棣棠奮

薔薇登架

月

海棠嬌

梨花溶

木蘭競秀

三
是月也
白桐榮
荼蘼條達
牡丹始繁

月
是月也
麥吐華
棟花應候
楊入大水為萍

四
是月也
杜鵑翔
木香升
新篁敷粉

月
是月也
罌粟滿
芍藥相
木筆書空

五
是月也
葵赤
紫薇葩
簷蔔始馨

月
是月也
夜合交
榴花照眼
紫椹降于桑

六
是月也
萱宜男
鳳仙來儀
齒莖百子

月
是月也
凌霄登
茉莉來賓
玉簪搔頭

七
是月也

桐報秋

木槿榮

紫薇映月

月
是月也

蓼紅

菱實

鷄冠報曉

八
是月也

槐黃

蘋笑

芝草奏功

月
是月也

桂香

秋葵高擷

金錢及第

九
是月也

菊有英

巴竹筍

芙蓉綻

月
是月也

山藥乳

橙橘登

老荷化爲衣

十
是月也

蘆傳

冬菜蒔

木葉避霜

月
是月也

芳草斂

漢宮秋老

芋蓀護其根

十月 芸生 蕉紅 枇杷綴金

十一月 一是月也

楓丹 巖桂馥 松柏後凋

十二月 梅蕊吐 山茶麗 水仙凌波

二月 二是月也

茗有花 瑞香郁烈 山礬鬯發

花信

二十四番花信一月兩番陰陽寒暖各隨其時

但先期一日有風雨微寒即是梁元帝纂要一月二

氣六候自小寒至穀雨凡二十四候每候五日

一花之風信應小寒一候梅花二候山茶三候水仙大寒一候瑞香二候蘭花三候山礬立春一候迎春二候櫻桃三候望春雨水一候菜花二候杏花三候李花驚蟄一候桃花二候棠棣三候薔薇春分一候海棠二候梨花三候木蘭清明一候桐花二候麥花三候柳花穀雨一候牡丹二候茶蘼三候楝花過此則立夏矣

花木
雜考

花異名

牡丹 木芍藥

梔子 簷蔔林蘭

茉莉 鬢華
山礬 海桐

荷 芙蓉

素馨 那夕茗

薔薇 玉雞苗
玫瑰 徘徊

萱 忘憂宜男

夜合 繡忿合驪

茶蘼 佛見笑
丁香 百結

瑞香 麝囊

紫薇 百日紅

木香 錦棚兒
玉簪 白雀

芍藥 將離

杜鵑 紅躑躅

罌粟 米囊
秋海棠 斷腸草

櫻桃 崖蜜

芙蓉 拒霜

蜀葵 戎葵
一丈紅 芭茅

辛夷 木筆

凌霄 紫葳

木槿 日及
薜華 麗木

花未開名蓓蕾花嬌盛曰旖旎樹木分散曰離

倍雷音
倍磊

披草繁盛為芊蕞蔥蘢草弱隨風曰霍靡桑麻

滿野曰鋪荼花葉參差曰狎獵木枝重累曰櫬

椀草木之葉殘瘁曰蔘芭柳謂之絲楸謂之線

椀謂之羅杉謂之錦棟謂之綾

花神

花姑為花神

魏夫人弟子黃令微善種花亦號花姑一名女夷詩云春圃

扞花

凡種植二月為上取木旁生小株可分者先就

連處分劈用大木片隔開土培令各自生根次
年方可移植勝於種核核五年方大扞插令活
二年卽茂須待應移月分則易活 一說春花
以半開者摘下卽插蘿蔔上實土花盆內種之
灌溉以時花過則根生不傷生意又可得種亦
奇法也 一說用立秋時辰扞者無有不活

衛花

四月棘葉生棘性暖養華之法以棘數枝置華

般上可以避霜護其華芽凡花卉不宜於伏熱

日午澆灌冷熱相逼頓令枯萎凡百藥瓜田

旁宜栽蔥韭蒜類遇麝不損花被麝冲急用艾

雄黃於上風燒之立解凡花園中植逼麝樹

極祛邪氣催花以馬糞調水澆之則早開數

日

雅稱

呂初泰

佳卉名園全賴布置如玉堂仙客豈陪卑田乞

見金屋輝娟宜佩木難火齊梅標清宜幽窗宜
峻嶺宜踈籬宜曲徑宜危岩獨嘯宜石枰着棋
蘭品幽宜曲房宜與室宜磁斗宜綺石宜涼飈
輕灑宜朝雨微沾菊操介宜茅簷宜幽徑宜蔬
圃宜書齋宜帶露餐英宜臨流泛藥蓮膚妍宜
涼榭宜芳塘宜朱欄宜碧柳宜香風噴麝宜曉
露擎珠牡丹姿麗宜玉釵貯宜雕臺安宜白鼻
獨宜紫絲障宜月青團扇宜紺綠商彝芍藥丰

芳宜高臺宜清潔宜雕檻宜紗窗宜脩篁縹緲
宜怪石嶙峋海棠暈嬌宜玉砌宜朱檻宜憑欄
宜欹枕宜燒銀燭宜障碧紗芙蓉襟閑宜寒江
宜秋沼宜輕陰宜微霖宜蘆花映白宜楓葉搖
丹桃靨冶宜小園宜別墅宜山巔宜溪畔宜麗
日明霞宜輕風皓魄杏華繁宜屋角宜墻頭宜
踈林宜小曠宜橫參翠柳宜斜插銀瓶李韻潔
宜夜月宜曉風宜輕烟宜薄霧宜泛醇酒宜供

清詎榴色艷宜綠苔宜粉壁宜朝旭宜晚晴宜
纖態映池宜落英點地桂香烈宜高峰宜朗月
宜画閣宜崇臺宜皓魄照孤枝宜微颺颺幽韻
松骨蒼宜高山宜幽洞宜怪石一片宜修竹萬
竿宜曲澗粼粼宜寒烟漠漠竹韻冷宜江干宜
岩際宜盤石宜雪巘宜曲檻迴環宜喬松突兀
更兼主人蘊藉好事能詩佳客臨門煮茗清賞
花之快意卽九錫三加未堪比擬也

又

王敬美

吾地人最重虎刺杭州者不佳不如本山其物
最喜陰難種然吾所愛者天竹纍纍朱實扶搖
綠葉上雪中視之尤佳余所在種之虎刺之下
旱珊瑚盆中可種水珊瑚最易生亂植竹林中
亦佳蔓生者曰雪裏珊瑚不足植也玉簪一名
白鶴花宜藜種紫者名紫鶴無香可刈剪秋羅
色正紅聲價稍重於剪春羅當盛夏已開矣秋

葵鷄冠老少年秋海棠皆點綴秋容草花之佳
者雞冠須矮脚者名廣東雞冠宜種磚石砌中
其狀有掌片毬子纓絡其色有紫黃白無所不
可老少年別種有秋黃十樣錦須雜植之真如
錦織成矣就中秋海棠尤嬌好宜於幽砌北窗
下傍置古拙一絳菖蒲翠雲草皆其益友

盆景

呂初泰

盆景清芬庭中雅趣根盤節錯不妨小試見奇